

# BULETIN PNS

*Buletin rasmi Perpustakaan Negeri Sabah*

DALAM ISU INI:

MAJLIS PERSARAAN  
PENGARAH PNS, EN  
WONG VUI YIN

3

MAJLIS SAMBUTAN  
HARI INOVASI

11

PERHIMPUNAN  
KAKITANGANSIRI  
3/2019

9

ISSN 2289-9499



9772289949004

## PERUTUSAN PENGARAH



**MARIA SINTI**  
Pengarah  
Perpustakaan Negeri Sabah

Assalamualaikum warahmatullahi wabarakatuh dan salam sejahtera. Alhamdulilah, bersyukur kita kerana berpeluang berada di penghujung tahun 2019, dan bakal menempuh Tahun Baharu 2020. Untuk pertama kalinya, saya menyampaikan Perutusan bagi keluaran Buletin PNS yang kita nanti-nantikan pada setiap penggal penerbitannya. Sepanjang tahun 2019, kita telah melalui pelbagai peristiwa yang menjadi kenangan bermakna dalam hidup kita sebagai warga kerja PNS. Pencapaian dengan pemindahan PNS cawangan Tenom yang menyediakan ruang perpustakaan yang lebih luas dan selesa serta pembukaan bangunan baharu PNS

cawangan Tanjung Aru yang telah mencatat rekod tersendiri dengan pembukaan perkhidmatan selama 36 jam sempena pembukaannya pada 1 April 2019, di samping sambutan masyarakat yang di luar jangkaan dan tersenarai antara 10 buah perpustakaan menarik di Malaysia yang perlu dikunjungi serta pencapaian cemerlang apabila menerima Anugerah Kecemerlangan MCIEA (Malaysian Construction Industry Excellence Awards) 2019 oleh Lembaga Pembangunan Industri Pembinaan Malaysia. Sesungguhnya semua kejayaan tersebut adalah gandingan kerjasama warga kerja PNS yang tidak berbelah bahagi. Syabas dan tahniah.

Pada tahun ini juga PNS telah menjadi tuan rumah bagi Mesyuarat Majlis Pengarah-Pengarah Perpustakaan Awam Se-Malaysia 2019 iaitu merupakan satu penghormatan kepada kita yang telah menjayakannya dengan semangat berpasukan. Majlis Anugerah Perkhidmatan Cemerlang 2018 dengan tema 'Gala Night' juga telah berlangsung penuh gilang-gemilang.

Sesungguhnya masa terus bergerak

tanpa menunggu sesiapa pun dan saya secara peribadi merakamkan ucapan Selamat Bersara kepada mantan Pengarah PNS, Encik Wong Vui Yin iaitu sahabat seperjuangan saya, seorang insan yang dedikasi, komited dan penuh inspirasi dalam merealisasikan misi dan visi kita. Tidak lupa juga kepada sahabat lama saya, Puan Yunis H. Rojiin dan Puan Soh Chin Choo, rakan saya jatuh dan bangun bersama dalam melestarikan matlamat PNS. Kepada semua warga kerja PNS yang telah bersara tetapi tidak disebut nama mereka dalam perutusan ini, sesungguhnya diri anda berada dalam ingatan sepanjang hayat.

Warga kerja PNS yang dikasihi, marilah kita bersama-sama meneruskan momentum kecemerlangan demi melestarikan misi serta visi PNS yang kita sayangi. Semoga pada tahun 2020, kita akan terus maju dalam keberhasilan, kualiti dan produktiviti beriringan dengan nilai integriti serta profesionalisme kita sebagai penjawat awam.

Akhir kata, selamat meraikan Hari Natal kepada warga kerja PNS yang meraikannya dan Selamat Menyambut Tahun Baharu 2020.

## SIDANG PENGARANG

### KETUA EDITOR:

Pn Dg. Salwah Pg Abd Razak  
DgSalwah.PgAbdRazak@sabah.gov.my

### EDITOR:

DK Mastura Pg Ismail  
DkMastura.Pg.Ismail@sabah.gov.my

### PEREKA GRAFIK &

PENYUSUNAN TEKS  
Mohd Tarmizi Bin Mohd Salleh  
MohdTarmizi.MdSalleh@sabah.gov.my

### JURUGAMBAR:

Jonathan Leslie Panamba  
JonathanLeslie.Panamba@sabah.gov.my

## PNS BERSELAWAT



**03 SEPT 2019-IBU PEJABAT PERPUSTAKAAN NEGERI SABAH, KOTA KINABALU**

Program ‘PNS berselawat ke atas nabi junjungan, Nabi Muhammad S.A.W. dijayakan bersama kumpulan qasidah, Majlis qasidah Qassidatul Haddad yang berlangsung di Auditorium (Aras 8). Program ini mendapat sokongan menggalakkan, di mana kakitangan Islam turut serta dan bersama-sama



## KURSUS TOY LIBRARY

### 03 OKT 2019 - PERPUSTAKAAN NEGERI SABAH CAWANGAN TANJUNG ARU.

Pada 3 Oktober 2019, perpustakaan mainan Perpustakaan Negeri Sabah Cawangan Tanjung Aru telah

mengadakan Kursus Toy Library dengan kerjasama TOY LIBRARY MALAYSIA.

Seramai 21 orang kakitangan Perpustakaan Negeri Sabah telah turut serta dan 7 orang peserta daripada luar. Kursus ini bertujuan untuk memberi tunjuk ajar kepada para peserta berkaitan kemahiran pengendalian

‘Toy Library’ adalah pusat sumber yang menempatkan alat permainan dan bahan pengajaran yang menarik untuk murid-murid terutamanya disasarkan kepada murid bekeperluan khas atau bermasalah dalam pembelajaran. Di samping itu, terdapat juga koleksi buku-buku dan perisian komputer untuk pembelajaran murid berkeperluan khas.



## KURSUS PENGUKUHAN BERINTEGRITI DALAM PERKHIDMATAN AWAM



**04-05 SEPT 2019 - IBU PEJABAT PERPUSTAKAAN NEGERI SABAH, KOTA**

Kursus telah diadakan di Dewan Serbaguna Matakong Aras 2, Ibu Pejabat Perpustakaan Negeri Sabah. Kursus berkenaan telah disampaikan oleh penceramah bebas, Encik Ayub Mohd Yakub.

Seramai 49 orang peserta yang terdiri daripada pegawai dan kakitangan PNS hadir dalam kursus tersebut. Tujuan kursus ini adalah untuk meningkatkan tahap kesedaran tentang kepentingan integriti dalam perkhidmatan

awam dan dalam masa yang sama memberi pendedahan berkaitan isu-isu integriti seperti isu-isu rasuah, penyelewengan dan salah guna kuasa dalam perkhidmatan awam.

## LAWATAN PERBADANAN PERPUSTAKAAN AWAM NEGERI MELAKA KE IBU PEJABAT PERPUSTAKAAN NEGERI SABAH



**04 NOV 2019- IBU PEJABAT PERPUSTAKAAN NEGERI SABAH, KOTA KINABALU**

Perpustakaan Negeri Sabah berbesar hati menerima kunjungan rombongan Perbadanan Awam Negeri Melaka (PERPUSTAM). Rombongan seramai 37 orang yang terdiri daripada para pustakawan dan pengurusan sumber manusia. Pengarah PNS, Puan Maria Sinti telah menyampaikan taklimat berkenaan Perpustakaan Negeri Sabah. Adalah menjadi harapan hubungan silaturahim antara kedua-dua perpustakaan dapat terus terjalin dari semasa ke semasa.

# SAMBUTAN HARI PEKAK DAN BAHASA ISYARAT SEDUNIA 2019



## 03 NOV 2019 - IBU PEJABAT PERPUSTAKAAN NEGERI SABAH, KOTA KINABALU

Perpustakaan Negeri Sabah berbesar hati menjadi tuan rumah bagi Sambutan Hari Bisu dan Bahasa Isyarat Sedunia Peringkat Negeri Sabah anjuran Persatuan Bagi Orang-orang Pekak Sabah/ Sabah Society for the Deaf (SSD). Sambutan telah berlangsung dengan jayanya dan dihadiri kira-kira 400 orang ahli SSD.

“Sign language rights for all” merupakan tema bagi sambutan tersebut dan pelbagai aktiviti menarik yang telah dijalankan, antaranya

ialah ‘deaf amazing race’, ‘sign with a story’, ‘deaf chat’, anugerah dan penghargaan kepada pameran terbaik, ‘sign along song’, sesi cerita pendek bahasa isyarat dan roda impian.

Sambutan ini bertujuan untuk memberi pendedahan kepada orang awam bahawa mereka yang kurang upaya pendengaran/bisu juga mampu menyumbang kepada masyarakat dan juga terlibat dalam pembangunan ekonomi negara.

## PENYERAHAN TUGAS PENGARAH PNS



## 21 OKT 2019-IBU PEJABAT PERPUSTAKAAN NEGERI SABAH, KOTA KINABALU

Majlis Penyerahan Tugas Pengarah dan Jamuan Persaraan telah diadakan di Hotel Pacific, Sutera Harbour bersama-sama pegawai dan kakitangan pengurusan Perpustakaan Negeri Sabah. Pada Majlis tersebut En. Wong Vui Yin telah menandatangani dan menyampaikan dokumen serah tugas kepada Puan Maria Sinti yang seterusnya bakal menerajui hala tuju PNS. Majlis kemudian diteruskan dengan Jamuan Persaraan Tuan Pengarah.



# MAJLIS PERSARAAN TUAN PENGARAH

22 OKT 2019 - IBU PEJABAT PERPUSTAKAAN NEGERI SABAH, KOTA KINABALU



22 Oktober 2019 merupakan tarikh sedih juga bersejarah di mana Perpustakaan Negeri Sabah terpaksa mengucapkan salam perpisahan kepada Tuan Pengarah, En. Wong Vui Yin atas persaraan perkhidmatan beliau. Pada hari terakhir beliau bertugas, En. Wong Vui Yin telah melawat seluruh bahagian di Ibu Pejabat PNS serta PNSC Tanjung Aru bagi mengucapkan salam perpisahan. Majlis Jamuan

Perpisahan telah diadakan di Dewan Serbaguna Mataking aras 2, di mana seluruh kakitangan PNS termasuk beberapa wakil dari pihak Petrosains mengambil kesempatan bersalaman dan memberikan hadiah sebagai tanda penghargaan kepada beliau. Suasana lebih mengharukan apabila seluruh kakitangan menanti di lobi Aras 2 untuk memberi lambaian terakhir kepada beliau.



Sepanjang tempoh perkhidmatan beliau selaku Pengarah PNS, rangkaian perpustakaan telah berkembang. Sebanyak 15 cawangan baharu dan 27 perpustakaan desa baharu di seluruh negeri telah berjaya dibuka. Selain itu, reka bentuk dan pengisian PNSC Tanjung Aru yang melayakkkan bangunan tersebut menerima Anugerah Projek Terbaik (Bangunan) kategori sederhana (RM20 - RM 100 juta) oleh Lembaga Industri Pembinaan



Malaysia, adalah hasil inspirasi dan iltizam beliau.

Akhir kata seluruh warga PNS mengucapkan selamat bersara dan merakamkan jutaan terima kasih atas sumbangan dan bakti selama menarajui kepimpinan Perpustakaan Negeri Sabah, Kami mendoakan Tuan Pengarah dikurniakan kesihatan dan kesejahteraan hidup. Selamat menempuh alam persaraan!

## SAMBUTAN HARI SUKAN NEGARA (HSN)

**25 OKT 2019 - WISMA BANDARAYA KOTA KINABALU.**

Perpustakaan Negeri yang telah dijalankan sepanjang berlangsungnya HSN adalah senamrobik. Sambutan Hari Sukan Negara (HSN) anjuran Kementerian Pelajaran dan Inovasi Sabah (KPINS) pada 25 Okt 2019 lalu bertempat di Ruang Legar, Ting. 13, Wisma Bandaraya Kota Kinabalu. Acara

Sambutan Hari Sukan Negara diadakan pada setiap Sabtu minggu kedua bulan Oktober sebagai satu inisiatif ke arah mencapai hasrat menjadikan Malaysia negara bersukan.



## KURSUS LIVING THE LIFE OF SSL

**29 OKT 2019 - IBU PEJABAT PERPUSTAKAAN NEGERI SABAH, KOTA KINABALU**



Kursus 'Living The Life of Sabah State Library' telah berlangsung selama 2 hari bermula 29 hingga 30 Oktober 2019. Kursus tersebut telah dikendalikan oleh Puan Fakitah Mat Kasa, seorang fasilitator yang berpengalaman luas dalam bidang pembangunan sumber manusia. Objektif kursus adalah untuk melahirkan seorang individu cemerlang yang dapat menyumbang kepada kemajuan diri serta jabatan. Para peserta didekah dengan interaksi dua hala dan bekerja secara berpasukan. Seramai 26 orang peserta telah berjaya mengikuti kursus berkenaan sehingga tamat.

## PESTA RAKIT PENAMPANG

**29 SEPT 2019 - KG. RAMAYAH PENAMPANG.**

Pesta Rakit 2019 telah berlangsung di Jeti Kg. Totoikon, Kg. Ramayah Penampang sempena Hari Sungai Dunia.

Unit Galakan Membaca dari Perpustakaan Negeri Sabah Cawangan Penampang tidak ketinggalan dalam menyediakan aktiviti khas kepada para pengunjung pada pesta tersebut. Antaranya adalah Pertandingan Mewarna, Pertandingan Melukis dan juga promosi pendaftaran keahlian perpustakaan secara percuma.

Pesta Rakit ini diceriakan dengan program-program seperti Pertandingan Nyanyian 'Voice of River', acara sukan sungai, pameran-pameran dan program perdana iaitu Pertandingan Rakit Berhias.

Program ini adalah usaha murni kerajaan dalam memupuk kesedaran dalam kalangan masyarakat tentang pentingnya peranan sungai dalam kehidupan seharian dan pentingnya menjaga kebersihan sungai agar ekosistem sentiasa terjaga.



## FESTIVAL SAINS DI IBU PEJABAT PNS



### 28 SEPT 2019- IBU PEJABAT PERPUSTAKAAN NEGERI SABAH, KOTA KINABALU

Festival Sains anjuran Petrosains telah diadakan di Ibu Pejabat Perpustakaan Negeri Sabah. Perpustakaan Negeri Sabah amat berbesar hati kerana telah menjadi tuan rumah kepada Festival Sains Petrosains yang bertemakan “*Celebrating STEM*”. Dalam acara besar-besaran tersebut, pelbagai aktiviti menarik telah dirangka khas buat pengunjung yang datang ke festival tersebut.

Antara aktiviti menarik adalah tayangan filem

sains fiksyen pada waktu malam iaitu ‘Ready Player One’, aktiviti zumba, pertunjukan silap mata, persembahan dari kumpulan buskers, gerai-gerai jualan, ‘food truck’, pameran sains dan robotik serta pelbagai lagi.

Festival ini merupakan jelajah Petrosains ke seluruh pelosok Malaysia di mana penutup festival telah diadakan di Petrosains Suria KLCC dan Esplanade Park pada 1 hingga 3 November 2019.


## PAMERAN POSKAD OLEH KELAB POSTCROSSING MALAYSIA



### 11-16 OKT 2019 - PNS CAWANGAN TANJUNG ARU, KOTA KINABALU

Pameran Poskad Sedunia anjuran Kelab Postcrossing Malaysia (Sabah) telah diadakan di Perpustakaan Negeri Sabah Cawangan Tanjung Aru yang berlangsung pada 11 Oktober sehingga 16 Oktober 2019. Pameran selama 6 hari ini mempamerkan pelbagai jenis poskad dari serata dunia termasuk poskad lama. Pameran ini diadakan bersempena ulang tahun ke 150 tahun poskad.

## TAMU BESAR KOTA BELUD 2019



**26 OKT 2019 - TAPAK TAMU BESAR, KOTA BELUD**

Perpustakaan Negeri Sabah amat berbesar hati menerima kunjungan Tun Datuk Seri Panglima Haji Juhar Haji Mahiruddin, Tuan Yang Terutama Yang di-Pertua Negeri Sabah ke gerai pameran Perpustakaan Negeri Sabah semasa Hari Sambutan Tamu Besar Kota Belud di daerah berkenaan. Bahagian Galakan Membaca Ibu Pejabat bersama-sama kakitangan Perpustakaan Negeri Sabah Cawangan Kota Belud telah menyediakan pameran khas kepada pengunjung dengan pelbagai aktiviti seperti jualan buku, promosi keahlian percuma dan juga aktiviti-aktiviti membuat kraftangan.

## WILD WEEKENDS @ LIBRARY



**17 DISEMBER 2019 - PNS CAWANGAN TANJUNG ARU, KOTA KINABALU**

Perpustakaan Negeri Sabah bersama-sama pihak Danau Girang (DGFC) telah menjalankan kerjasama pintar dalam Program 'Wild Weekends at Library' yang bertujuan memberikan kesedaran kepada orang awam terhadap pentingnya pengetahuan menjaga hidupan liar serta habitat aslinya dan penjagaan alam sekitar. Program tersebut telah berlangsung dengan

jayanya di Perpustakaan Negeri Sabah Cawangan Tanjung Aru dan menerima sambutan baik dari orang ramai. Antara aktiviti menarik yang telah dijalankan ialah permainan untuk kanak-kanak, taklimat berkenaan hidupan liar oleh pakar konservasi dan juga pameran dari pelbagai agensi NGO alam sekitar.

## MAJLIS PENYERAHAN

Peruntukan dalam Enakmen Perpustakaan Negeri Sabah 1988 (pindaan) 2007, penulis dan penerbit tempatan perlu menghantar tiga (3) salinan hasil karya bahan penerbitan di Sabah seperti buku, bahan ilmiah, cd atau ved. Bahan-bahan ini akan disimpan sebagai bahan rujukan dan juga bagi tujuan pemeliharaan bahan.



### 22 SEPT 2019

Puan Alis Padasion, penulis buku “Sinarut 1994” menyerahkan buku hasil tulisannya kepada Pusat Penyerahsimpanan Perpustakaan Negeri Sabah.

### 22 SEPT 2019

Encik Bernard Ng menyerahkan thesis/kajian belia kepada Ketua Pusat Penyerahsimpanan Perpustakaan Negeri Sabah Pn Palmela Mosinoh yang bertajuk “Becoming Sabah Native the Ethnogenesis Malaysian”.



### 22 OKTOBER 2019

Encik Bryan Paul penulis buku berjudul “A Glance of Tawau in The Old Days” telah menyerahkan buku tulisannya kepada Pusat Penyerahsimpanan Perpustakaan Negeri Sabah.

### 21 OKTOBER 2019

Penulis buku, Puan Lorena Binsol menyerahkan buku ‘VONOD, A Collection od Endearing Stories’ kepada pihak Perpustakaan Negeri Sabah.



# MAJLIS SAMBUTAN HARI INOVASI

15 OKTOBER 2019 - IBU PEJABAT PERPUSTAKAAN NEGERI SABAH, KOTA KINABALU

Majlis Sambutan Hari Inovasi Peringkat Perpustakaan Negeri Sabah 2019 telah diadakan di Ibu Pejabat Perpustakaan Negeri Sabah dengan dihadiri kira-kira 110 orang kakitangan Perpustakaan Negeri Sabah.

Majlis Sambutan Hari Inovasi ini telah dirasmikan oleh Pengarah Perpustakaan Negeri Sabah En. Wong Vui Yin. Sebanyak 6 Kumpulan Inovatif Kreatif (KIK) terlibat mempersembahkan projek masing-masing iaitu Rumandawi@SSI dari Ibu Pejabat PNS, PNS Cawangan Tanjung Aru,

Penampang dan JPKN, Kumpulan ILMU dari PNS Wilayah Sandakan, Kumpulan MOGOGOT dari PNS Cawangan Beaufort, Kumpulan GOMBUNAN dari PNS Cawangan Tambunan, Kumpulan LibRU dari PNS Cawangan Ranau dan Kumpulan TOMBORUNGUS dari PNS Cawangan Kudat. Peserta Cetusan Minda oleh KIK Champions telah disertai Puan Haritah Tanaisus dari KIK Avasi, Papar, Puan Andy Syiartazni Kamaluddin dari KIK ILMU Sandakan dan Puan Nelly Joseph Green dari KIK Rumandawi PNS Cawangan Tg. Aru.

## 1. KUMPULAN GOMBUNAN

- RIZAL BIN DAPAR @ JAPAR (KETUA)
- AFFANDY CHONG
- LAINAH ARAMAN
- CARRIELYN CHONG

TAJUK PROJEK: TAMAN TUUNDORONGON



## 2. KUMPULAN MOGOGOT

- KARUY SOP @ KERAYUSOP MUSRI (KETUA)
- MUHAMMAD WALI ANNUR BIN ISMAIL

TAJUK PROJEK: LIBRY TROLI (TROLI BUKU)



## 3. KUMPULAN LibRU

- ALWIN ASLIN (KETUA)
- ZULFA BIN MATNI

TAJUK PROJEK: On-Me (MESIN MEMBAIKI BUKU ROSAK)



## 4. KUMPULAN ILMU

- ANDY SYIARTAZNI BINTI KAMALUDDIN
- JUBIN BIN KAMUDI (KETUA)
- ERINA BINTI BERAHIM
- SITI ALIMAH BINTI AWANG SALEH
- WONG KEE FUN

TAJUK PROJEK: PROFIL SANDAKAN/ PETEMPATAN SANDAKAN



**5. KUMPULAN TOMBORUNGUS**

- ISMAIL ZAINAL ABIDIN (KETUA)
- MUHAMMAD JOHOR MANSUR

**TAJUK PROJEK: ADSIP BUKU (ALAT MEMBAIKI BUKU ROSAK)**

**6. KUMPULAN Rumandawi@ssl**

- DORETTY SIKUAT (KETUA)
- EMILY MERTIN
- VIANNY KATING
- NELLY JOSEPH GREEN
- CHONG SUI KIM

**TAJUK PROJEK: KARMOLA (BLOG)**

## BENGKEL PENYEDIAAN PROJEK INOVASI SEKTOR AWAM (ISA)



**10 SEPT 2019 - SKY HOTEL, KOTA KINABALU**

Tahniah diucapkan kepada Kumpulan Rumandawi@ssl dari Ibu Pejabat Perpustakaan Negeri Sabah kerana telah berjaya merangkul tempat pertama bagi persembahan terbaik semasa Bengkel Penyediaan Projek Inovasi Sektor Awam (ISA) anjuran Institut Latihan Sektor Awam Negeri (INSAN) yang telah berjalan selama tiga hari iaitu dari 10 hingga 12 September 2019. Bengkel tersebut diadakan bertempat di SKY Hotel Kota Kinabalu. Johan, naib johan dan tempat ketiga pertandingan tersebut mendapat wang tunai dan sijil cenderamata bagi setiap individu. Seramai 62 peserta

telah turut serta yang terdiri dari 9 kumpulan dari pelbagai jabatan dan agensi.

Antara jabatan dan agensi yang turut serta selain Kumpulan Rumandawi@ssl dari Perpustakaan Negeri Sabah adalah Jabatan Pelancongan Negeri Sabah, Jabatan Perikanan, Koperasi Pembangunan Desa, Majlis Daerah Keningau, SPAN, DPKK, Majlis Daerah Sandakan dan DUN.

Kumpulan Rumandawi@ssl telah mempertandingkan produk inovasi mereka iaitu i-KARMOLA yang merupakan sebuah blog dan perkataan KARMOLA adalah akronim bagi Karya Maya Orang Lama. Objektif projek ini adalah untuk menggalakkan penglibatan warga emas agar terus aktif dan terhubung dengan komuniti melalui perkongsian karya seiring dengan visi Perpustakaan Negeri Sabah iaitu Masyarakat Berilmu dan Terhubung. Kumpulan Rumandawi@ssl mendapat ilham untuk menyediakan sebuah platform yang membolehkan warga emas berkongsi sejarah hidup, cerita-cerita dan pengalaman mereka melalui perkongsian karya yang boleh dikongsikan kepada generasi akan datang.

# LAWATAN KE PERPUSTAKAAN NEGERI SABAH

Pihak Perpustakaan Negeri Sabah amat berbesar hati dengan kehadiran rombongan pelajar dan tenaga pengajar yang terdiri daripada institusi pendidikan iaitu tadika, sekolah rendah, sekolah menengah serta institusi pengajian swasta ke Perpustakaan Negeri Sabah. Semoga lawatan yang dijalankan sedikit sebanyak memberi impak yang positif kepada pelajar-pelajar selain memupuk minat generasi muda kita agar cintakan budaya membaca.

## SK SRI PANTAI, LAHAD DATU - 25 OKTOBER 2019



## SJKC KOTA KINABALU - 31 OKTOBER 2019



## TADIKA PEAK NAM TOONG - 05 NOVEMBER 2019



## TADIKA BERSATU LUYANG - 11 NOVEMBER 2019



## SMK KINARUT - 12 NOVEMBER 2019



## TADIKA BERSATU LUYANG - 18 NOVEMBER 2019



## SK TOMBOVO - 03 SEPTEMBER 2019



## TADIKA YUE MIN - 04 SEPTEMBER 2019



## PERPUSTAKAAN UNIVERSITI PUTRA MALAYSIA - 05 DISEMBER 2019



## KAMPUS INTAN SABAH - 17 DISEMBER 2019



## KURSUS FOTOGRAFI CANON MALAYSIA



**01 NOV 2019 - PNS CAWANGAN TANJUNG ARU, KOTA KINABALU**

Bagi mengasah lagi bakat fotografi dalam kalangan kakitangan PNS, Kursus Fotografi telah diadakan di Dewan Serbaguna (Aras 6), PNS Cawangan Tanjung Aru.

Wakil daripada CANON Malaysia iaitu En. Aldric Goh telah menyampaikan kursus dan memberikan pendedahan asas fotografi kepada peserta kursus. Ini termasuk fungsi sesebuah kamera diterangkan agar peserta kursus lebih faham bagaimana untuk mengambil gambar dengan menggunakan ketetapan manual selain menetapnya dalam ketetapan auto.

Selain itu, peserta berpeluang memegang sendiri kamera-kamera dari pelbagai spesifikasi yang mempunyai pelbagai fungsi bagi merakam gambar. En. Wong Vui Yin, mantan Pengarah PNS turut hadir telah menerima cendera kenangan daripada pihak CANON.

## JPO “WIND ORCHESTRA”



**02 NOV 2019 - IBU PEJABAT PNS, KOTA KINABALU**

Jesselton Philharmonic Orchestra (JPO) telah mengadakan Majlis “Wind Orchestra” yang berlangsung di Auditorium (Aras 8), Ibu Pejabat Perpustakaan Negeri Sabah.

Perpustakaan Negeri Sabah telah memberikan kerjasama dengan pihak JPO dalam menjayakan konsert tersebut dengan menyediakan tempat bagi mejayakan orkestra. “Wind Orchestra” dari JPO adalah kumpulan pemusik JPO yang menggunakan instrumen berunsurkan angin/tiupan seperti seruling, klarinet, trumpet dan sebagainya.

Pn. Antonia P. Sani hadir mewakili Pengarah

Perpustakaan Negeri Sabah, Pn. Maria Sinti bagi menerima cenderahati dari pihak JPO.

Pelbagai lagu-lagu hit yang telah dipersembahkan oleh kumpulan pemuzik orkestra sepanjang konsert berlangsung. Majlis meriah ini telah dihadiri oleh penggemar serta penggiat muzik yang memenuhi Auditorium, Perpustakaan Negeri Sabah.

Turut hadir pada majlis tersebut ialah mantan Pengarah Perpustakaan Negeri Sabah En. Wong Vui Yin serta Pengasas JPO Pn Yap Ling dan Pn Chou Yang Cing.

## PERHIMPUNAN KAKITANGAN SIRI 3



### 29 NOV 2019 - IBU PEJABAT PERPUSTAKAAN NEGERI SABAH, KOTA KINABALU

Majlis Perhimpunan Kakitangan Siri 3 telah berlangsung dengan jayanya yang dihadiri oleh kakitangan Perpustakaan Negeri Sabah dari pelbagai perpustakaan cawangan. Majlis telah dimulakan dengan bacaan doa oleh Encik Mohd Fairuz Salleh dan seterusnya acara angkat sumpah penjawat awam negeri yang telah dipimpin oleh Encik Jaffry Johan.

Pengarah Perpustakaan Negeri Sabah, Puan Maria Sinti telah menyampaikan amanat beliau kepada kakitangan Perpustakaan Negeri Sabah dengan menerangkan pelbagai

sasaran yang perlu dicapai bagi tahun 2020.

Setelah itu, majlis diteruskan dengan sesi memotong kek khas kepada kakitangan yang lahir pada bulan November dan Disember serta sambutan Majlis Persaraan Puan Yunis Helena Rojiin, Ketua Bahagian Penghantaran yang bakal menamatkan perkhidmatannya dan bersara wajib pada bulan Disember.

## MAJLIS ILMU ANJURAN BAKTI PNS



### 13 DIS 2019 - IBU PEJABAT PERPUSTAKAAN NEGERI SABAH, KOTA KINABALU

Majlis ilmu anjuran BAKTI Perpustakaan Negeri Sabah telah berlangsung di Auditorium (Aras 8) Perpustakaan Negeri Sabah.

Yang Berbahagia Ustaz Malai Ali Malai Ahmad. Beliau telah memberi pelbagai pencerahan dalam bagaimana umat islam perlu menjadikan Rasulullah S.A.W sebagai individu contoh kepada umat islam.

Majlis ilmu bertajuk "Menyantuni Akhlak Rasulullah S.A.W" telah disampaikan oleh

## LAWATAN SETIAUSAHA TETAP KEMENTERIAN PELAJARAN DAN INOVASI KE IBU PEJABAT PERPUSTAKAAN NEGERI SABAH

### 23 DIS 2019 - IBU PEJABAT PERPUSTAKAAN NEGERI SABAH, KOTA KINABALU

Setiausaha Tetap Kementerian Pelajaran dan Inovasi Sabah, Yang Berbahagia Puan Jasmine Teo telah membuat lawatan rasmi ke Ibu Pejabat Perpustakaan Negeri Sabah. Beliau bersama rombongan telah disambut oleh Pn. Maria Sinti, Pengarah Perpustakaan Negeri Sabah beserta kakitangan peprustakaan.



Yang Berbahagia Puan Jasmine Teo merupakan Setiausaha Tetap Kementerian Pelajaran dan Inovasi yang menggantikan Yang Berbahagia Datuk Dr. Minggu Haji Jumaan yang telah bersara.

Taklimat pengenalan Perpustakaan Negeri Sabah telah disampaikan oleh Puan Maria Sinti.

Majlis seterusnya disudahi dengan penyampaian cenderakenangan kepada SUT sebagai simbolik penghargaan Perpustakaan Negeri Sabah.

## SAMBUTAN HARI KANAK-KANAK SKCP 2019



### 02 NOV 2019- KG. CONTOH PETAGAS, KOTA KINABALU

Bahagian Galakan Membaca Perpustakaan Negeri Sabah dari Ibu Pejabat Kota Kinabalu terlibat sama dalam Sambutan Hari Kanak-kanak SKCP 2019 yang telah diadakan di Dewan Terbuka, Kampung Contoh Petagas Kota Kinabalu.

Pelbagai aktiviti menarik telah disediakan oleh pengajur, seperti pameran haiwan eksotik, Pertandingan SKCP Got Talent, pertandingan Beyblade, pakaian beragam,

pertunjukan menunggang kuda, maskot dan pelbagai lagi.

Pameran dari agensi kerajaan, swasta dan pihak NGO turut diadakan dalam sambutan tersebut. Perpustakaan Negeri Sabah tidak terlepas menyediakan pelbagai aktiviti menarik kepada pengunjung yang datang antaranya pendaftaran keahlian percuma, aktiviti membuat kraftangan manik dan permainan tradisional congkak.

## BENGKEL DECOUPAGE BAGI GURU-GURU PERPUSTAKAAN DAN PELAJAR



### 12 DISEMBER 2019 - TAMAN AWAM TELUK LIKAS, KOTA KINABALU.

Kelab Guru Perpustakaan dan Media Kota Kinabalu (GPMKK) dan Pusat Kegiatan Guru Kota Kinabalu telah mengadakan aktiviti bersama dengan pihak Perpustakaan Negeri Sabah iaitu Bengkel Decoupage bersama guru-guru perpustakaan dan para pelajar.

Aktiviti ini itelah dijalankan di Taman

Awam Teluk Likas, di mana peserta telah diajar cara-cara untuk menghasilkan kraftangan ‘decoupage’ sendiri. Bahagian Perkhidmatan Perpustakaan Negeri Sabah telah menganjurkan program tersebut dan telah disertai kira-kira 42 orang pelajar serta guru-guru pusat sumber.



## MAJLIS PERSARAAN PUAN YUNIS



### 13 DISEMBER 2019 - IBU PEJABAT PERPUSTAKAAN NEGERI SABAH, KOTA KINABALU

Puan Yunis Helena Rojiin telah bersara wajib pada 13 Disember 2019. Satu majlis telah diadakan bagi meraikan persaraan beliau di Ibu Pejabat Perpustakaan Negeri Sabah.

Beliau mula berkhidmat di Perpustakaan Negeri Sabah sejak tahun 1987 dan menjalankan tugas sebagai Ketua Bahagian Penghantaran pada akhir tempoh perkhidmatan. Beliau sangat aktif dalam perkhidmatan pembaca dan mempunyai pelbagai bakat seperti menggubah bunga, membuat pelbagai jenis kraftangan, bercerita, sesi aktiviti kanak-kanak dan

untuk pengetahuan pembaca buletin PNS, beliau juga berbakat sebagai penghibur atau ‘Clown’ di Perpustakaan Negeri Sabah. Malahan beliaulah antara penggerak utama bagi Kelab Badut PNS yang mula aktif dan dikenali ramai dalam menghiburkan kanak-kanak dalam pelbagai aktiviti anjuran Perpustakaan.

Selamat bersara buat Puan Yunis, semoga sentiasa sihat di samping keluarga tercinta dan selamat menikmati alam persaraan. Jasamu tetap kami kenang.

## PERSARAAN PUAN SOH CHIN CHOO

03 SEPT 2019 - IBU PEJABAT PERPUSTAKAAN NEGERI SABAH, KOTA KINABALU

Perpustakaan Negeri Sabah mengucapkan selamat bersara kepada Puan Soh Chin Choo yang merupakan Ketua Bahagian Katalog di Perpustakaan Negeri Sabah.

Sudah tentu sepanjang perkhidmatannya di Perpustakaan Negeri Sabah, beliau banyak memberikan sumbangan dan juga amat diketahui merupakan Pustakawan senior yang mahir dalam bidang katalog atau pemprosesan bahan-bahan perpustakaan. Sudah tentu kami akan sentiasa mengingati dan merindui semua kenangan manis bersama-sama di PNS.



## PERSARAAN PUAN VIOLET



18 OKT 2019-IBU PEJABAT PERPUSTAKAAN NEGERI SABAH, KOTA KINABALU

Puan Violet telah bersara pada bulan Oktober, beliau berkhidmat di Pusat Penyerahsimpanan Perpustakaan Negeri Sabah.

Pihak PNS ingin merakamkan setinggi-tinggi penghargaan dan terima kasih diatas perkhidmatan Puan Violet di Perpustakaan Negeri Sabah. Semoga dikurniakan kesihatan yang baik, dan selamat menempuh alam persaraan.



# KUNJUNGAN MANTAN KETUA PUSTAKAWAN UNIVERSITI MALAYA, PN KHOO SIEW MUN



## 06 DISEMBER 2019 - PNS CAWANGAN TANJUNG ARU, KOTA KINABALU

Perpustakaan Negeri Sabah amat berbesar hati menerima kunjungan dari Pustakawan Senior iaitu Puan Khoo Siew Mun ke Perpustakaan Negeri Sabah Cawangan (PNSC) Tanjung Aru. Puan Khoo dahulunya merupakan seorang Ketua Pustakawan di Perpustakaan Universiti Malaya dan telah memegang jawatan tersebut selama 9 tahun sehingga tahun persaraannya iaitu pada 1993.

Hadir menemani beliau dan membawa beliau meninjau di sekitar Perpustakaan

Negeri Sabah Cawangan Tanjung Aru ialah Timbalan Pengarah Korporat Perpustakaan Negeri Sabah, Puan Esther V. Mobilik dan Ketua Cawangan PNSC Tanjung Aru Pn. Nelly Green.

Sewaktu perjumpaan tersebut Pn Khoo banyak berkongsikan ilmu serta pengalamannya menjelajah melihat perpustakaan dan muzium di serata dunia. Perpustakaan mengucapkan terima kasih kepada Pn. Khoo kerana sudi melawat Perpustakaan Negeri Sabah.

## PERKEMBANGAN KAKITANGAN PNS

### SENARAI NAMA PELATIH INDUSTRI SEPTEMBER - DISEMBER 2019

BIL	NAMA	PROGRAM PENGAJIAN	PENEMPATAN
1	PUTRI NABILA NATASHA BINTI MASRAN		PNSC TG.ARU
2	MITCHELL SILVERIUS	KOLEJ KOMUNITI PENAMPANG	PNSC PENAMPANG
3	ADRY RAINNOL	9 DIS 2019-29 MAC 2020 SIJIL PENGOPERASIAN PERNIAGAAN	BAHAGIAN KHIDMAT PENGURUSAN DAN PERSONEL
4	ALVIAN HOMON		BAHAGIAN KORPORAT & PENERBITAN

### LANTIKAN PEKERJA SAMBILAN HARIAN (PSH) BAHRU SEPT - DIS

BIL	NAMA PEGAWAI	PENEMPATAN	TARIKH LAPOR DIRI
1.	NUR SHAFIQAH BINTI MOHD ALI	PNSC TANJUNG ARU	01.10.2019
2.	JESPER JORDAN DAVID	PNSC TAMPARULI	01.10.2019
3.	MOHD AFIQ BIN AWANG	PNSC PAPAR	01.10.2019
4.	NURAMALINA BINTI AHAMMAD	PNSC BEAUFORT	01.10.2019
5.	SITI NURSALWA BINTI JALANI	PNSC BEAUFORT	01.10.2019
6.	NURHASRIZA BINTI HASRI	PNSC TANJUNG ARU	01.10.2019
7.	AZILAH BINTI AHMAD MANSHOR	PEJABAT PEGUAM BESAR NEGERI K. KINABALU	01.11.2019
8.	ENEST BIN TAIHIN	PNSC RANAU	01.11.2019

### SENARAI KAKITANGAN PERPUSTAKAAN YANG BERSARA

BIL	NAMA	JAWATAN	TARIKH BERSARA
1	SOH CHIN CHOO	SA44	06.09.2019
2	WAN AHMED BIN AYED	SA41	07.09.2019
3	ROSIAH BINTI SITANG	SA22	08.09.2019
4	PIAWANG BIN ANDUANG	HA11	10.10.2019
5	FONG HON SIN @VIOLET	SA22	19.10.2019
6	WONG VUI YIN	SA54	23.10.2019
7	GOH CHIN MOI @ GOH CHIN FUNG	NA22	23.01.2019 (PILIHAN SENDIRI)
8	SALMAH FAZUL	SA44	01.11.2019 (PILIHAN SENDIRI)
9	NEDRI INGGIT	NA29	01.11.2019 (PILIHAN SENDIRI)
10	TAN GUAN BENG	SA26	06.11.2019
11	YUNIS @ HELENA BINTI ROJIIN	SA44	15.12.2019
12	YAPP SHU KEONG	SA22	27.12.2019



# Benefits of Reading

A love of reading can protect your brain from Alzheimer's disease, slash stress levels, encourage positive thinking, and fortify friendships. Here's how your brain and body benefit when you open a book.



## 1. Mental Stimulation

Your brain requires exercise to keep it strong and healthy, just like all muscles in your body. Reading has been found to enhance connectivity in the brain. A decline in memory and brain function is a side effect of aging, but regular reading may help slow the process. Keeping your brain active and engaged can slow the progress of Alzheimer's disease and dementia.




## 2. Stress Relief

When reading, you must focus on the characters and the plot of the book. The distraction into the literary world allows you to distance yourself from the stress of everyday life, putting your mind and body at ease. Loosing yourself in a great story can be a perfect remedy for stress.




## 3. Entertainment

Reading is much cheaper than going to the movies or many other forms of entertainment. In fact, reading is free at the library! We are constantly adding new books, so you never have to worry about running out of ones that you haven't read. Books can transport you to different worlds, all with the added benefit of not having to pay airfare.



## 4. Vocabulary Expansion

The more you read, the more words you are exposed to. Being well-spoken and articulate can help increase job performance and self-esteem. Exposure to well-written work can also have a huge impact on your own writing. You may notice that the language in children's books are likely to be more sophisticated than your average conversation.



# - Raikan Cinta! 💕

## SYAMEER & NORLELA

Tahniah diucapkan kepada Encik Muhd. Syameer Aizatt bin Muhd Yassin yang bertugas di Bahagian Sokongan I.T Ibu Pejabat Perpustakaan Negeri Sabah, yang telah melangsungkan perkahwinan bersama isteri tercinta Puan Norlela binti Jinus pada 21 Disember 2019 bertempat di Ballroom Wisma Wanita.

Selamat Pengantin Baharu diucapkan dan semoga hubungan yang terjalin berkekalan hingga ke jannah.



**21.12.2019**

## Berita Duka

Salam Takziah diucapkan kepada seluruh ahli keluarga kakitangan yang telah kehilangan insan tersayang baru-baru ini. Seluruh warga Perpustakaan Negeri Sabah turut berduka atas pemergian insan tersayang yang telah kembali pada yang Maha Esa. Marilah kita bersama-sama mendoakan semoga roh mereka senantiasa damai disana.

MD FAIRUZ BIN HJ SALLEH DARI BAHAGIAN AKAUN IBU PEJABAT PNS TELAH KEHILANGAN AYAHANDA TERCINTA PADA 23 JUN 2019.

DK MASTURA PG ISMAIL DARI BAHAGIAN KORPORAT DAN PENERBITAN IBU PEJABAT PNS TELAH KEHILANGAN AYAHANDA TERCINTA PADA 23 SEPTEMBER 2019.

WAHIDAH BINTI JAPAR DARI BAHAGIAN AKAUN IBU PEJABAT PNS TELAH KEHILANGAN AYAHANDA TERCINTA PADA 12 DISEMBER 2019.

AL-FATIHAAH.

# Newborn Baby!



Warga kerja PNS turut tumpang gembira dengan kehadiran cahaya mata baharu. Tahniah diucapkan. Semoga dengan kehadiran si comel dapat menyerikan lagi kehidupan berumah tangga.

NAMA IBU: NUR AINI BINTI NURJA

BAHAGIAN: PNS CAWANGAN TANJUNG ARU

NAMA ANAK: AARIZ ZIQRY

TARIKH LAHIR: 13 DISEMBER 2019

TEMPAT LAHIR: HOSPITAL WANITA DAN KANAK-KANAK LIKAS.

NAMA IBU: GEORGIA GEORGE

BAHAGIAN: AKAUN IBU PEJABAT KOTA KINABALU

NAMA ANAK: RAINIELL GAVIN RUSSEL

TARIKH LAHIR: 11 NOVEMBER 2019

TEMPAT LAHIR: HOSPITAL WANITA DAN KANAK-KANAK LIKAS.



NAMA AYAH: JONATHAN LESLIE S. PANAMBA

BAHAGIAN: PNS CAWANGAN TANJUNG ARU

NAMA ANAK: DANIEL SAMUEL JONATHAN SINGH

TARIKH LAHIR: 06 NOVEMBER 2019

TEMPAT LAHIR: HOSPITAL WANITA DAN KANAK-KANAK LIKAS.

NAMA CUCU: RAPHAEL REYNALD FRANK

TARIKH LAHIR: 16 DISEMBER 2019

TEMPAT LAHIR: KOTA KINABALU

CUCU KEPADA: PN ESTHER V. MOBILIK (TIMB. PENGARAH KORPORAT)



NAMA CUCU: SYAFEEA INARA BINTI MOHD IDZRI HAMIDI

TARIKH LAHIR: 14 JULAI 2019

TEMPAT LAHIR: JESSELTON MEDICAL CENTRE KOTA KINABALU

CUCU KEPADA: PN DG SALWAH PG ABD RAZAK

(KETUA BHGN KORPORAT DAN PENERBITAN)

